



Publicaziuns dalla vischnaunca, jamna 51

Damondas da baghegiar

2023-1082.000

Datum dalla publicaziun: 22 da december 2023

Patruna: Vischnaunca Disentis/Mustér, Via Cons 2, 7180 Disentis/Mustér
Representant: Uffeci da baghegiar Disentis/Mustér, Via Cons 2, 7180 Disentis/Mustér
Intenziun: Niev plaz da rimnada per pastg e caglias cun integrar in plaz da rimnada da rumien entras 8 molocs
Parcella: 965
Adressa: Via Raveras 31, 7180 Disentis/Mustér
Zona: SIP – zona per stabiliments ed indrezs publics
Zonada prighel: Zona da prighel 2 blaua (tenor AWN)

2023-1083.000

Datum dalla publicaziun: 22 da december 2023

Patruna: Vischnaunca Disentis/Mustér, Via Cons 2, 7180 Disentis/Mustér
Representant: Uffeci da baghegiar Disentis/Mustér, Via Cons 2, 7180 Disentis/Mustér
Intenziun: Remplazzament da differentas casas da rimnar rumien entras molocs e niev moloc a Buretsch
Parcella: 167, 739, 810, 959
Adressa: 167 – Via Buretsch 4, 7186 Segnas
739 – Via Gonda 12, 7180 Disentis/Mustér
810 – Via Raveras 16, 7180 Disentis/Mustér
959 – Via da Scola 5, 7180 Disentis/Mustér
Zona: – Ulteriur territori communal
– HM3 – zona da habitar mischedada 3
Zona da prighel: 739 – Zona da prighel 2 blaua (tenor AWN)

2023-1086.000

Datum dalla publicaziun: 22 da december 2023

Patrun: Andreas Stefan & Birgit Herbster, Bielstrasse 37, 4104 Oberwil BL
Representant: Andreas Stefan Herbster Bielstrasse 37, 4104 Oberwil BL
Intenziun: Nova finiastra da tetg analog alla finiastra existenta ella ala-tetg dil nord
Edifeci nr.: 351
Parcella: 23
Adressa: Via Peisel 2, 7186 Segnas
Zona: – Zona dil vitg V
– Areal da habitadis protegi generalmein
– Ulteriurs baghetgs e stabiliments cun prescripziuns da protecziun
Zona da prighel: Nagina

Protestas:

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Referendum facultativ

Ils 14 da november 2023 ha il cussegl da vischnaunca suenter haver fatg entginas midadas approbau unanimamein il preventiv 2024.

Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala.

Suprastonza communal



Disposiziun generala pertuccont la survegionza visuala cun identificaziun da personas al Center da rimnada a Raveras a Mustér

La suprastonza communal considerescha sin basa dad art. 3a e 3b dalla Lescha cantunala davart la protecciun da datas da relaschar la suandonta disposiziun generala pertuccont la survegionza visuala cun identificaziun da personas al Center da rimnada a Raveras a Mustér:

1. Il Center da rimnada a Raveras a Mustér vegn survegilaus cun sis cameras da video che lubeschan in'identificaziun da personas resp. vehichels per impedir la dismessa da rumien nuncorrecta e per impedir vandalissem.
2. Survigilaus vegn igl areal dil Center da rimnada a Raveras sin la parcella nr. 965 denter la Via Raveras ed igl edifeci nr. 769B dalla serenera a Mustér. Las posiziuns ed ils secturs survegilai dils sis apparats da survegionza ein indicai en in plan ch'ei aschuntaus als documents exponi publicamein.
3. La survegionza visuala cun identificaziun da personas succeda sur onn igl entir di (24 uras, 365 dis).
4. Al liug d'entrada egl areal survegilau alla Via Raveras vegn fatg attent cun pictograms bein veseivels alla survegionza visuala ed al post competent.
5. Sco post responsabel per la survegionza visuala vegn designaus il menaschi dalla serenera e Center da rimnada Raveras dalla vischnaunca da Mustér.
6. Las registraziuns da video astgan vegnir consultadas mo, sch'igl ei vegniu constatau ina dismessa da rumien nuncorrecta ni in'acziun da vandalissem. Las suandontas personas han il dretg da consultar las registraziuns:
 - *cau serenera*
 - *menader uffeci da baghegiar*
 - *in collaboratur dil menaschi tecnic*
7. La segirtad da datas vegn garantida entras las suandontas mesiras:
 - Las datas registradas vegnan transmessas al menaschi dalla serenera ed agl uffeci da baghegiar via cabel da veider da fibra.
 - La transmissiun e la registraziun visuala ein protegidas cun in plaid-clav digl access da personas buc autorisadas.
 - La stizzada dallas registraziuns succeda automaticamein suenter siat dis, aschilunsch ch'ina registraziun vegn buca duvrada per ina procedura penala (incl. procedura penala administrativa).
 - La tecnologia da video utilisada protocolescha ils temps da survegionza ed igl access allas registraziuns. Cun igl access allas registraziuns sto vegnir indicau il motiv dall'investa, la persuna che pren investa ed il material visual consultau. Las datas dil protocol ve-gnan arcunadas electronicamein silmeins tschun onns.
8. Quella disposiziun generala vala silpli tschun onns.

Ils documents ein deponi tier l'administraziun communal (stanza nr. 10). L'investa publica cuoza 30 dis dapi il datum dalla publicaziun. Encunter la disposiziun generala san personas pertuccadas inoltrar directamein a scret enteifer 30 dis lur protestas tier la suprastonza communal, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Suprastonza communal Disentis/Mustér



Engraziel fetg per Vossa confidanza ed il bien sustegn

«Engrazielvitad porta senn el vargau, perinadad el present e perspectiva el futur.»

En quei senn engraziel jeu a Vus tuts per Vies grond sustegn e Vossa confidanza demussada enviers la suprastanza communal. Cun la grond activitad en nossa vischnaunca secapescha quei numnadamein buca da sesez. Vies sustegn dat a nus l'energia da vinavon s'engaschar plein forza, cun perschiasion e grond plascher per in bien e prospereivel svilup da nossa vischnaunca. Plinavon engraziel jeu cordialmein per la buna ed emperneivla collaboraziun cun tuts involvai, a tuts ch'ei s'engaschai en ina u l'otra fuorma pil beinstar communal, en special allas collaboraturas ed als collaboratur per lur fideivla e buna lavur. Persuenter in cordial e sincer Dieus paghi.

Communablamein e da buna cuminanza dumignein nus las sfidas futuras e fagein nossa vischnaunca e la regiun pass per pass pli interessanta ed attractiva. Ensemen essan nus fermes e perschadin.

Jeu giavischel a Vus tuts, preziadas vischinas, stimai vischins, da cor bialas e benedidas fiastas da Nadal el ravugl da Vossa famiglia e pigl onn niev buna sanadad, speranza e cunzun cuntentientscha e plascher.

*En num dalla suprastanza communal
René Epp, president communal*

Cartas da viagiàr dil di – Sistida

Duront varga 20 onns ha la vischnaunca purschiu entochen la fin da mars 2023 a convischinas e convischins da Mustér la pusseivladad da retrer cartas da viagiàr in entir di culs mieds publics en Svizra.

Las Viasfier federalas svizras midan naven digl onn 2024 quella purschida en ina nova «Spartageskarte». Las cundiziuns dalla nova purschida ein meins attractivas, quei che ha menau las instanzas communalas tier la conclusiun da buca pli vender las cartas da viagiàr dil di al spurtegl dall'administraziun communal.

Bien engraziament per Vossa capientscha ed enconuschientscha.
Direzziun communal

Administraziun communal

Temps da spurtegl sur Nadal e Daniev

Nadal, 25-12-2023	serrau
Sogn Stiafen, 26-12-2023	serrau
Mesjamna, 27-12-2023	15.00–17.30
Gievgia, 28-12-2023	15.00–17.30
Venderdis, 29-12-2023	serrau
Daniev, 1-1-2024	serrau
Mardis, 2-1-2024	serrau

Naven da mesjamna, ils 3-1-2024 vala puspei il temps d'avertura usitau.

Nus giavischein ina biala fiasta da Nadal ed in bien e sanadeivel onn 2024.

Administraziun communal Disentis/Mustér



Surdada dil Premi Desertina

Venderdis, ils 12 da schaner 2024 surdat la suprastonza communal a il Premi Desertina. La surdada entscheiva allas 19.00 en halla Cons. Las duas suandontas uniuns vegnan honoradas:

- premi da renconuschientscha al Chor baselgia Segnas
- premi da promoziun all'Uniun culturala Disla.

La surdada vegn enramada musicalmein dalla formaziun «Las musicantas» sut la direcziun da Clau Scherrer e d'ina scena ord il toc da teater «Ina notg fatala» che la Gruppa da teater Mustér presenta las proximas jamnas. Suenter la surdada offerescha la vischnaunca in apéro.

Cumissium Premi Desertina

Controla da habitonts

Naschientscha

Ashlyn Rose Huonder, naschida ils 11 da december 2023, feglia da Silvana ed Andreas Huonder.

Administraziun communal Disentis/Mustér

Cantar dils Retgs 2024

Ils sogns Retgs e las songas Reginas dalla tschunavla e sisavla classa da Mustér semettan era uonn sin via per visitar ils habitonts dalla vischnaunca. Els/ellas speran d'astgar legrar e delectar biars cun lur viseta e cant. Lur tur entscheivan els/ellas mintgamai allas 15.00. Ina gronda part dil recav va en favur dalla acziun Verein Schreib-Freude – in'uniun che promova il scriver cartas e brevs persunalas a persunas persulas ni cun grevas sorts (www.schreib-freude.ch).

Gievgia, ils 4 da schaner 2024

- gruppa 1: Cavardiras, Pardomat, Madernal, Faltscharidas, Sontget
- gruppa 2: S. Gions, Catins, Raveras, Giudem Cons
- gruppa 3: Via Dulezi, Via Pervenda, Cuppa, Funs-Dado

Venderdis, ils 5 da schaner 2024

- gruppa 1: Carcarola, Davos-Mustér, Via Sursilvana, Via Cavardiras, Suls Orts
- gruppa 2: Mumpé-Medel, Clavaniev, Caschuarz, Latis, Cons-su
- gruppa 3: Mumpé-Tujetsch, Acletta, ca. 18.30 cantar el vitget dalla REKA, Funs naven dallas 19:00 cantar ellas ustrias part 1

Sonda, ils 6 da schaner 2024

- gruppa 1: Acla da Fontauna, Sax, Cuoz, Buretsch, Casa Nauscha
 - gruppa 2: Peisel, Segnas
 - gruppa 3: Disla, Chischliun, Scaletta
- 19.00 cantar duront messa en baselgia a Segnas
naven dallas 20.00 cantar ellas ustrias part 2

Dumengia, ils 7 da schaner 2024

- 11.00 cantar duront messa a Mumpé-Medel
- ca. 15.00 viseta e cantar ella casa PUNTREIS
- gruppa 1: Via da Scola
- gruppa 2: Gonda, Via S. Gada
- gruppa 3: Cons-sut, Via da Scola
- 17.00 devoziun en baselgia s. Gions e cantar
- 18.30 cantar duront messa en baselgia da Nossadunna



Historia en canzuns da Nadal

Dumengia, ils 24 da december 2023, 17.00.

Sera Sontga: historia da Nadal en canzuns da Nadal
Pfr. Christoph Zingg, Regina Willms, musica

Weihnachtsgeschichte in Weihnachtsliedern

Sonntag, 24. Dezember 2024, 17.00 Uhr

Weihnachtsgeschichte in Weihnachtsliedern
Pfr. Christoph Zingg und Regina Willms, Musik

Rockin' round the Christmas Tree – disco

Mardis, ils 26 da december 2024

19.30 entochen ca. las 23.30 – Center Aua Viva

Rockin' around the Christmas Tree ei ina disco da Nadal denter la Glisch dalla Pasch, pigniel e stalla da Nadal cun musica da Nadal dils onns 60-90. Midlife-Party cun bar che envida era per star da cumpignia.

Rockin' round the Christmas Tree Midlife-Party

Dienstag, 26. Dezember 2023

19.00 bis ca. 23.30 Uhr – Gemeindezentrum Aua Viva

Rockin' around the Christmas Tree ist eine Weihnachtsdisco zwischen Christbaum, Krippe und Friedenslicht mit Weihnachtssongs aus den 60ies bis 90ies. Eine richtige Midlife-Party mit Bar, welche Erfrischungen und zu Verschnaufpausen einlädt.

Aperitiv alla midada digl onn

Nus havein il plascher d'envidar la populaziun sco era ils secundindigens (proprietaris da habitaziuns secundaras) dalla vischnaunca Disentis/Mustér ad in aperitiv da Silvester/Daniev gievgia, **ils 28 da december 2023 naven dallas 16.00** en halla Cons. Igl aperitiv vegn offerius cun sustegn dalla vischnaunca. Nus selegrein sin stedia participaziun ed in interessant ed inspiront scomi da meinis.

*Cuminonza d'interess da proprietaris da habitaziuns secundaras
Interessengemeinschaft Zweitwohnungseigentümer Disentis*

Acziun pacs da Nadal 2023

Danovamein hai dau in record: En Surselva havein astgau rimnar 501 pac per l'Europa digl ost. In cauld engraziament a tuts che han contribuì sin ina moda ni l'autra, Nus essan vegni surpri dalla generusadad a caschun dall'acziun che nus vein astgau menar atras ella Migros.

Nus giavischein a tuts in benediu Nadal.

Team pacs da Nadal Surselva ed Stusavgia



Aktion Weihnachtspäckli 2023

Wieder ein Rekord: In der Surselva sind 501 Päckli für Osteuropa zusammengekommen. Ein ganz herzliches Dankeschön an alle, die in irgendeiner Weise dazu beigetragen haben. Wir sind auch überwältigt und dankbar für die grosszügigen Spenden, die wir anlässlich der Päckli-Aktion in der Migros erfahren durften.

Wir wünschen allen gesegnete Weihnachten.

Weihnachtspäckli-Team Surselva und Safiental

Societad da musica Mustér

Concert da Nadal en collaboraziun cun la Societad da musica Sedrun, **sonda 23-12-2023** allas 20.00 en
baselgia S. Gions Mustér
Entrada libra, collecta
Silsuenter stiva da caffè en halla Cons Mustér
